


# સોરં હારુ બાયબલ વતાડવું

## સરુવાતમં દેવે બદી સીજે બણાવી



લખવાવાળો: Edward Hughes

સીતરો હાતે: Byron Unger; Lazarus

અનુવાદ કરવાવાળો: સસીનકુમાર ભુરજયો

બણાવાવાળો: Bob Davies; Tammy S.

Story 1 of 60

[www.M1914.org](http://www.M1914.org)


*Bible for Children, PO Box 3, Winnipeg, MB R3C 2G1 Canada*

પરવાનગી: તમું ઈની વારતાવેન સપાવે સકો સે, ઈ સોપડજયે વેસવા હારુ નેમળે.

भीली


Bhili

આપુનંન કુને બણાયં? બાયબલમં દેવે મનખના સોબાવ વીસે લખેલું  
સે કે, સરુવાતમં દેવે મનખ બણાયું. ઝેનું નામ આદમ હેતું. દેવે ગારમાંહી  
આદમને બણાયો.




1

તેન પસે દેવે તેનમં હા ફુકયો. એતરે તેનમં જીવ આયો. તેન પસે તેન  
એક વાડીમ મેલયો ઝે એદનવાડી તરીકે વળખાય સે.




2

દેવે આદમને બણાવા પેલ ઘણી નવાય લાગે ઈવી અસલની દનયં  
બણાવી. એક પસે એક દેવે ડુંગોર, ઘાટજયે ને ખોડની જગા, લામં લામં  
રોખડં ને અસલ ગંદાવાવાળં ફુલં હરગમં ઉડવાવાળં કકલતી પાખેવાળં  
જનાવરં, ને ગણ ગણ કરતી ભમરજયે, મુટી મુટી સમકે ઈવી માસલજયે




3

તેનંમ હમણં ઝી પોણ સીજે આં સે, તી બદી સીજેન દેવે બણાવી.



4

સરુવાતમં દેવ સીવાય કયસ  
નેહેતું. કય સીજ, જગા કે  
મનખં કયસ નેહેતું. નેઈદારું  
કે ઈજવાળું, નેહરગ કે  
ધરતી. ને, દન કે રાત,  
આં ખાલી દેવનો આતમા  
(દેવ) હેતો. તેને અજુ  
કયસ બણાયું નેહેતું.  
પસે દેવે બદું બણાવેનું  
સાલુ કરયું. સરુવાતમં દેવે  
હરગ ને ધરતીન બણાયં.




5

ધરતી ખાલી ને વેરવખેર હેતી.  
અન સીયારેમેર ઈદારું  
હેતું. તેરં દેવે કેદું,  
ઈજવાળું  
થાવ.




6

અન ઈજવાળું થાય જયું. દેવે ઈજવાળાનું નામ દન ને ઈદારાનું નામ રાત  
પાડયું. તેન પસે હાંજ પડી ને હવેર થાયી તેરં પેલખો દન હેતો.




7

બીજે દન દેવે કેદું, ધરતી ઈપેરનું પાણે એક જગંય ભેળું થાવ, ને તેનેસ  
પરમાણે તો થાયું. તેરં બીજો દન હેતો. તાંણમે દન દેવે કેદું, હુકી જગા  
નજરે પડો. દેવે હુકી જગાન ધરતી કીદી ને ભેગા થાયલા પાણેન દરજયો  
કેદો.




8

દેવે ધાન પેદા કરવાવાળું ખોડ ને સોડ ઉગે એવો હુકમ કર્યો. અન પુતપુતાની જાત પરમણેનં બી ઉગી નીકળ્યં. તેન પસે હાંજ પડી ને હવેર થાયી તેરં તાંશમો દન હેતો.




તેન પસે દેવે દન, સાંદ ને તારા પોણ બણાયા. જેનંન કોય ગણે નેસકે. હાંજ પડી ને હવેર થાયી તેરં સીયારમો દન હેતો.




પસે દેવે દરજયામ સમકે એવં મુટં મુટં જીવજંતું ને હરગમં ઉડવાવાળં બદી જાતનં જનાવરંન પોણ બણાયં. પાંસમે દન દેવે મુટી માસલજયે ને નાની માસલજયે બણાવજયે. લામં પોગંવાળં સાહમુરગ ને કલરવ કરતં નાનંનાનં ઉડવાવાળં જનાવરં દેવે બદી જાતની માસલજયે ને ઉડવાવાળં જનાવરં તી ધરતી, હરગ ને દરજયામ ખુસીમ રેતં હેતં. તેરં હાંજ પડી ને હવેર થાયી પાંસમો દન હેતો.




તેન પસે દેવે પાસું કેદું કે, હાઉ આપું ધરતી ઈપેર બદી જાતનં જીવતં જનાવરં બણાવજયે, બદી જાતનં પાળવાવાળં જનાવરં, પેટે ઘહેડાવાવાળં જનાવરં, કીડા, મકુડા ને રગવાવાળં જનાવરં બણાયં. તેનંમ ધરતીન પોણ હલાવે નાખે એવો હાથી ને જંગલી જનાવરં બણાયં. તુક્ષની વાંદરો, મુટો મગર, ખીલુડી ટોળામ રેવાવાળો જીરાફ મીયાઉ મીયાઉ કરવાવાળી બીલાડજયે બણાવજયે. તેને દન બદી જાતનં જનાવરંન દેવે બણાયં. તેરં હાંજ પડી ને હવેર થાયી તેરં સોમો દન હેતો.



તેન પસે દેવે કેદું, હાઉ આપું મનખ બણાવજયે. તો આપડ હરકું ને આપડમં મળતું વે એવું. એતરે તો દરજયામાનં માસલં ઈપેર, હરગમં ઉડવાવાળં જનાવરં ઈપેર, ધરતીનં બદં જનાવરં ઈપેર ને નાનં પેટે ઘહેડાવાવાળં જીવજંતું ઈપેર અધીકાર સલાડે.



તેન પસે દેવે આદમને કેદું, તારે વાડીમાનં બદં રોખડંનં ક્ષેળં ખાવં. પોણ તારે ભલા ને ભુંડાની હમજ આલવાવાળા રોખડાનું ક્ષેળ નેખાવેનું. ઝો તું એના રોખડાનું ક્ષેળ ખાહી તે તારું મરણ નકી તેનેસ દન થાહે.



તેરં દેવે કેદું, મનખનું એખલું રેવું  
તાજું નેમળે. એતરે હું તેન હારુ  
એક મદદ કરવાવાળી બણાવે.



15

એતરે દેવ બદી જાતનં હરગમં ઉડવાવાળં  
જનાવરં, જંગલમં રેવાવાળં બદં જનાવરં ને  
મનખ પાળે સકે તેવં જનાવરં આદમને  
અગેડ લાયો ને તેને તેનં બદનં નામં પાડયં.  
તેને યો કામ ઘણી હુસજયારીહી કરયું. પોણ  
એનં બદં જનાવરં આદમને મદદ મળે રે  
એવું કોય નેમળયું.



16

એતરે દેવ આદમને એક ખાડામ લીજયો ને તેન ભારી નીદરમં  
નાખયો. ઝેરં તી હુતો હેતો તેરં દેવે તેન ડીલમાંહી એક પાહળી કાડી. દેવે  
મનખમાંહી કાડીલી પાહળીહી એક બજયેર  
બણાવી. તેન પસે દેવ તીની બજયેરને  
આદમ કન લાયો. એમ દેવે બણાવી  
તે બજયેર આદમને મદદ  
કરવાવાળી બણી.



17

ઈવી રીતે દેવે સો દનંમ હરગ, ધરતી ને તેનમાંની બદી  
સીજેન બણાવેનું કામ પુરું કરયું. દેવે હાતમા દનને આસીસ  
આલી ને તેન પવીતર દન તરીકે નાળો કરયો. એમ  
એદનવાડીમ આદમ ને હવા દેવનું તાજું માનેન ખુસમં  
રેવા લાગયં. દેવેસ તેનનો પરબુ હેતો, તી તેનનો  
મદદ કરવાવાળો ને ભાયબન હેતો.



18

સરુવાતમં દેવે બદી સીજે બણાવી

બાયબલમાંહી મન દેવની વાતેમં,

વારતાવે મળી સે

ઉતપતી ૧-૨

“ઝી આપડ જીવનમં ઈજવાળું આલે સે.”

ગીતસાસતર-૧૧૯:૧૩૦

દેવ જાણે સે કે આપુંય એવા ગુના કરયા સે કે ઝેનંન તી પાપ  
ગણે સે ને પાપની સજયા મરણ સે. દેવ આપુનંન એતરો પરેમ કરે સે  
કે તેને તેન સોરા ઈસુ મસીન કાડયો કે, આપડ પાપોની સજયા હારુ તી  
કરુસ ઈપેર સડેન પુતેનો જીવ આલે. ઈસુ મસી મરયો ને પાસો જીવતો  
થાયન હરગમં સડી જયો. દેવ હાઉ આપડ પાપોની માફી આલે સકે સે ઝો  
આપું આપડ ગુના ને પાપોહી બસવા માંગતં વેતે તેન પરાથના કરો. વાલા  
દેવ મન વીસવાહ સે કે ઈસુ મસીવે માર હારુ પુતેના જીવનનું બલીદાન  
આલયું ને હાઉ તી પાસો જીવતો થાયો સે. એ દેવ તું માર જીવનમં આવ  
ને માર પાપો માફ કર. કેમકે હું એક નવું જીવન જીવી સકું ને કાયમ  
તાર હાતે રે સકું. એ દેવ મારી મદદ કર કે હું તાર સોરાન જેમ  
તાર હારુ જીવી સકું...આમેન. યોહાન ૩-૧૬

બાયબલ વાસેન રુજ રુજ દેવ હાતે વાત કરો.